

I.

F a b u l a p r i m a.

A s i n u s e t L e o .

Asinus quondam comite gallo gallinaceo iter fu-
cerat. Quibus quum forte obvius factus leo, asi-
num adoriri vellet: opportune cantare coepit gal-
lus; quem audiens leo, galli cantum ex communi
opinione haud ferens, fugam capessivit. Asinus,
leonem a se terrore perculsum ratus, fugientem
persequitur. Quum vero eo usque uterque pro-
gressi essent, ut jam galli cantus non audiretur:
magno in asinum leo redit impetu, eumque dila-
cerat.

E t h i c a .

Saepe illud, quod fors fortuna tulit, virtuti
nostrae adscribimus.